



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 104. Novæ lites ex Cæsareo restitutionis edicto ortæ.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

„alios Christiani nominis Principes co-
 „ronavit, quod ita fieri vovemus, Ei-
 „dem Serenitati Vestrae omnia ex ani-
 „mi sui sententia ad suam & Reipu-
 „blicae salutem evenire ex animo pre-
 „cantes. Datum Ratisbonae decima
 „quarta Octobris anno millesimo sex-
 „centesimo trigesimo.,,

§. CIV.

*Novae lites ex Caesareo restitutionis
 edicto ortae.*

Cum vero Protestantes Caesarei edicti
 abrogationem in comitiis ab Im-
 peratore extorquere haud potuissent,
 aliunde vero bonorum Ecclesiasticorum
 quae hucusque usurpaverant, conser-
 vationem ipsius etiam Religionis suae
 dispendio redimere parati essent, hinc
 Saxo & Brandenburgicus Electores apud
 Annebergam convenientes statuerunt,
 quod desuper cum omnibus ceteris Pro-
 testantibus in quodam conventu con-
 ferre velint: eapropter Joannes Geor-
 gius Elector praevia cum Saxonis Or-
 dinibus Torgaviae comitia habuit, in
 quibus de opportunis Caesari, si sup-
 petias contra Suecos petiturus esset,
 sese opponendi mediis, necnon de
 proximo omnium Ordinum Protestan-
 tium conventu deliberatum est; ini-
 ni-

*Lotich. rer.
 Germ.**l. 33. c. 6.**Khevenh. l. c.
 p. 1250.**Hist. Eccles. Tom. LIX.*

Y

ini-

Sæc. XVII.
A. C. 1630.

iniquo enim animo ferebat Saxonie Elector, quod nuper Ratisbonæ sub committiorum finem Saxonici Oratores cum Catholicis convenerint, ut conventus Francofordiæ celebraretur, ibidemque de edicti rigore mitigando vel suspendendo ageretur, cum tamen Protestantes abrogato penitus edicto erepta Ecclesiasticorum bona sibi armorum potentia asserere confiderent. Eo fratre Saxonie Elector, priusquam Francofordiæ hæc transactio fieret, omnes Principes, Ordinesque Protestantes ad conventum die sexta Februarii anni sequentis Lipsiæ celebrandum convocabat, die vigesima nona Decembris edito hanc in rem diplomate.

Præterea inter ipsos Catholicos qui bona erepta sibi restitui petebant frequentes circa hoc edictum movebantur quæstiones ac lites: Postulabant enim nonnulli, nec immerito, ut hæc bona pristinis suis Possessoribus, Ecclesiæ vel Ordini Religioso, etsi forte ex Canonicis, vel Monachis illius Collegii, Ecclesiæ aut Monasterii nullus ibidem superfit, restituenda essent: Alii hæc bona aliorum Ordinum Religiosorum, vel Episcopis in compensationem damnorum, vel Principibus sæcularibus, vel ipsimet Cæsari ad resarciendas belli expensas esse reddenda contendebant.

Non deerant novæ cujusdam Religiosæ **Sæc. XVII.**
 Societatis Alumni, qui Abbatiis in- **A. C. 1630.**
 hiantes bona Ecclesiastica sibi cedi ef-
 flagitarent, hoc usi obtentu, quod
 longe utilius in pauperum Scholas,
 Collegia, & Clericorum Seminaria
 transferrentur, quam si suis quæque
 Ordinibus, quibus fundata erant, re-
 stituerentur. His quoque favebat Ur-
 banus VIII. Pontifex: supremum vero
 Imperii judicium Auilicum antiquis suf-
 fragabatur Possessoribus, ipse etiam
 Ferdinandus II. Imperator, etsi apud
 eum hi Socii plurimum auctoritate va-
 lerent, prævalente tamen æquitatis
 pondere illis, quibus juxta Fundato-
 rum mentem antea competebant, cun-
 cta bona restitui præcepit. Ex utra-
 que parte Romæ & Viennæ acres de-
 super fiebant contestationes, in Ro-
 mana Curia Cæsaris partes tuente Pau-
 lo Savellio ejus Oratore, in Aula vero
 Viennensi, Pontificis nomine rem a-
 gente Cardinale Joanne Baptista Pal-
 lotta, inter quos mediatorem agebat
 Richelius Cardinalis: Ne vero Pon-
 tifex importunis aliorum precibus, a-
 liisque machinationibus deceptus, quæ-
 dam Monasteria aliis, quam quibus
 antiquo jure competebant, conceder-
 et, hinc Ferdinandus præcipue Bene-
 dictinorum patrociniū in se suscipiens,
 præ-

Sæc. XVII. præfatum Savellum Oratorem suum
 A. C. 1630. Romæ agentem crebris literis præve-
 nerat, ac die vigesima quinta Aprilis
 Vienna has ad eum dederat literas:
 „Humillime nobis exposuerunt Præles
 „& universa Congregatio Bursfelden-
 „sis, Ordinis S. Benedicti, sese pro of-
 „ficii sui munere nunc in eo satagere,
 „uti Monasterium S. Michaelis, in op-
 „pido Lunæburgensi situm, Ordini suo
 „S. Benedicti consecratum, & ab opi-
 „mis redditibus, ac Religiosorum fræ-
 „quentia olim celebre, vigore Edicti
 „nostri Cæsarei in imperio publicati
 „recuperent, vereri tamen, ne alii po-
 „tentiores, & favore & gratia valentes
 „in Curia Romana præveniant, idem
 „que Monasterium sibi per modum in-
 „corporationis, commendæ, aut alia
 „via directe vel indirecte concedi pe-
 „tant, & impetrent, quod univèrso
 „isti Ordini singulari præjudicio futu-
 „rum, atque idcirco ut indemnitati suæ
 „hac in parte clementer consulere di-
 „gnemur, suppliciter nos rogarunt.
 „Constat autem jam ante vobis de e-
 „nixa voluntate ac resolutione nostra,
 „quæ est, ut Monasteria, & loca sacra
 „e manibus adversariorum vindicata,
 „nonnisi Ordinibus, quibus a primæva
 „fundatione consecrata fuerant, resti-
 „tuantur. Nec dubitamus vos istius
 „quo-

„quoque diligenter curaturos, ut ju- Sæc. XVII.
 „stissimæ illi intentioni nostræ stetur, A. C. 1630.

„nec quidquam in contrarium a Sancti-
 „tate sua concedatur, adeo, ut ulterius
 „hac in parte vos admonere superva-
 „caneum judicemus. Attamen ut Reli-
 „giosus ille Ordo magis magisque agno-
 „scat, Imperialem sollicitudinem, sibi
 „quacunq; occasione constare, cle-
 „menter iterato vobis committimus,
 „ut invigiletis, ne & in hoc particulari
 „præpropere quid isthic statuatur, quod
 „Ordinum juribus quoquo modo præ-
 „judicare possit, erit id benignæ volun-
 „tati nostræ congruum, qua in omnes
 „occasiones erga vos propendemus.,

Ejusdem tenoris epistolam ad eun-
 dem die prima Julii Ratisbona dedit
 Imperator, hæc perscribens: „Expe-
 „diunt istuc in urbem Prælati Ordinis
 „S. Benedicti, e Suevia, ablegatos suos
 „viros Religiosos, ut apud nos nego-
 „tia ad conservationem & incremen-
 „tum Religionis suæ pertinentia sollici-
 „tent, atque id sollicite præcaveant,
 „ne quid in concurrentium multitudine
 „impetretur, quod Ordini ipsorum præ-
 „judiciale, nostræ vero rectissimæ in-
 „tentioni, ut unicuique sua restituan-
 „tur, & conserventur, contrarium esse
 „queat, demisse proinde rogantibus,
 „ut hic loci protectionem illorum su-
 „scipe-

Sæc. XVII. „scipere dignaremur, clementer deesse
 A. C. 1630. „noluimus, benigne vos requirentes,
 „quemadmodum jam pridem literis di-
 „versis mentem nostram declaratam ha-
 „betis, nolle nos, ut Monasteria & bo-
 „na Ecclesiastica, auctoritate nostra re-
 „stituta aut restituenda nobis insciis &
 „invitis, quorum interest, aliorum usi-
 „bus applicentur, ut proinde horum
 „Religiosorum sollicitudinem auctori-
 „tate nostra Imperiali adjuvetis, ipsi-
 „que ubicunque fuerit necessum, ad
 „consequendum, quæ juste postulant,
 „ope, patrocínio & suffragatione vestra
 „viam faciliorem reddatis, quod au-
 „ditu nobis erit gratissimum, vobisque
 „cedat in commodum gratiæ nostræ
 „Imperialis, qua benignissime vobis
 „inclinamur.,

§. CV.

*Gustavi Adolphi Sueciæ Regis pro-
 gressus ad mare Balthicum.*

*Lotich. l. 32.
 cap. 2.*

Annal. Boic.

part. 3. l. 15.

*Pufend. l. 2.
 pag. 26.*

Barre Hist

d'Allemagne

t. 9. p. 601.

Khevenh.

Annal. t. II.

pag. 1666.

Interim Gustavus Adolphus Sueciæ
 Rex octoginta ferme armatorum mil-
 lia contraxerat, in Germaniam eruptu-
 rus, quo eum ex Protestantibus non
 pauci in subsidium laborantis hæresis
 & excidium Germaniæ evocaverant,
 cunctique eum clanculum ope & con-
 filiis adjuvabant, ut a novo hoc suo
 Papa